

# АЗЬЛАНЬ

22 ИЮНЬ  
1937 АР  
№ 36 (39)

ГАЗЕТЛЭН ДУНЫЗ:  
Одйг арлы 4 манет но 20  
6 толэзьлы 2 манет но 10  
3 толэзьлы 1 манет но 5  
1 толэзьлы 35 коныы

Орган Татышлинского Райкома ВКП(б) и Райисполкома

БКП(б)-лэн Татышлы Райкомезлэн но Райисполкомлэн органы

## XVII Башкирской областной партконференциялэн СТАЛИН эшлы приветствиез

XVII партконференция Башкириясь люкаськем большевик'ёс, Тиледлы, вождыль, дышетйсьлы но вань ужаса ульсь человекстволэн яратон другезлы пламенной большевистской привет.

Советской Башкирия, большевистской партилэн кивалтэменыз, Тиялд Асьтэ лэн жадьытэк юрттэменды но саклык вис'яменды, хозяйственной но культурной ужелэн мечак жутскон сюрестйз будонэ мынэ. Азьло дыр'я царской саграп'ёслэн зйбет улазы улэм башкир калык, зуч ужась класс юрттэмен аслэсьтыз величайшой азинлыкэс (возрожденнйз)басьтыны быгатйз. Берлось ар'ёс Башкирия понна промышленностьсэ, сельской хозяйствозэ но культуразэ бадзым будэтон ар'ёсын луизы. Востоке нефтянной базос кылдытон сярис Тилесьтыд указаниостэс бидэ'яса, Ишимбаевской нефтянной промыслаос но Ишимбаевской но Уфайсь нефтеперегонной завод'ёс вакчи дыр куспын будйзы. Туймазинской нефтянной район ус'тэмнн. Башкириясь промышленностьлэн выль отрасльёсыз кылдо, сельскохозяйствозэ машинизировать карон будэ. Большевиэмен овладеть карон сярис Тилесьтыд лозунгдэс бидэстыса, кыдатэм большевистской национальной кадр'ёсыз азыланьн выращивать карон понна ми вань кужыммес сётмы. ВКП(б) ЦК-лэн берлось пленумаз Тиялд декладады но заключительной кылды коммунизм понна нюр'ясконьн вормонэ сюресэз кужмо прожектор кад'юдытйз, янон-

германо-троцкистской но бур шпион'ёсыз, диверсант'ёсыз но вис'ёсыз разгромить карон понна партиез но ужась классэз луонлыкэ оружиен вооружить кариз. Верховной Судлэн родиналэн гнусной изменник'ёсызлы, гитлеровской шпион'ёслы потэм приговорзэ конференция приветствовать кариз, Тиледыз оскытйськом, Сталин эш, что троцкистско-фашистской бандит'ёсыз—социализмлэн лек тушмон'ёсызлэсь урдем пуныо с с а порылом, ми вань луонлыкэн травить каром, быдтом.

Тиледыз оскытйськом, Сталин эш, большевистской критикаез но самокритикаез паськытатэмен асьме ужысьтымы тырмымтэосыз палэнтмы, асьме организациосмес эшшо но боееспособной каромы, совет'ёсы быр'иськонэз большевистской кивалтэтэн обеспечить каром, асьмелэсь радмес эшшо но зол юнматом, ужаса ульсь калыкез эшшо но юнгес асьме партимы котыре биналтомы но ужаса ульсь калыклэсь, калык тушмон'ёсты жгучой адзонтэмлыкэсэ большевик партилы но ярато великой вождылы Сталинлы, беззаветной преданность мылкыды воспитать каром.

Дано мед луоз Маркслэн—Энгельслэн—Ленинлэн—Сталинлэн вормонтэм великой знамязы!

Дано мед луоз асьмелэн славной большевистской партимы но солэн Ленинско-Сталинской Центральной Комитетэз!

Дано мед луоз родной Сталин!

### Информационной ивортон

12-тй июне ВКП(б) Башобкомлэн XVII партконференциясыз быр'ыса кельтэм составлэн нырысетй пленумез ортчиз.

Пленум тайной голосованиен таёе составен Обкомлэсь бюрозэ быр'ыса кельтйз: БЫКИН Я. Б., ИСАНЧУРИН А. Р., БУЛАШЕВ З. Г., ЦЫПНЯТОВ П. Ф., АБУБАКИРОВ Р. В., БЫЧКОВ Е. Я., БАК С. А., ГАЛИН Г. Х., но ХАДИСОВ А. М. эш'ёсыз;

Бюролэн член'ёсызлы кандидат'ёс: ВАХИТОВ М. М., ПЕРВИН Е. С. но АХМЕРОВ Ю. Г. эш'ёсыз; Тайной голосованиен нырысетй секретарь карыса БЫКИН Я. Б. но кыктэти секретарь к а р ы с а ИСАНЧУРИН А. Р. эш'ёс быр'емнн.

Отдел'ёслэн заведующийёсын пленум утвердить кариз: ОРПО-е—ГАЛИН Г. Х. эшез, сельскохозяйственной отделэ—ЦЫПНЯТОВ П. Ф. эшез, промотделэ—ПЕРВИН Е. С. эшез, пропаганда, агитация но печать отделэ—АБУБАКИРОВ Р. В. эшез, совторготделэ—ГАЙФУЛЛИН М. М. эшез, школаослэн но наукаослэн отделэ—КАМИЛЕВ М. С. эшез но культпросветотделэ—ХАДИСОВ А. М. эшез.

Пленум „БАШКУРД-СТАНЛЫ“ редактор—АЗНАБАЕВ К. К. эшез, „Красная Башкирия“ газетлы редактор—ЧИСТЯКОВ И. П. эшез удвердить кариз. ВКП(б) ЦК-лэн февральско-мартовской пленумезлэн решениистьыз, ВКП(б) ЦК-лэн Пленумаз Сталин эшлэн лэсьтэм докладэсьтыз но верам заключительной кылысьтыз, XVII областной партконференциян Обкомлэн отчетной докладэз'я резолюциясьтыз исходить карыса ужаны но улонын сое нуыны понна Обкомлэн бюрозлы пленум поручить кариз.

12 июне XVII Облпартконференциян счетной комиссилэн председателез Первин эш тайной голосованилэсь результатэ ялйз. Башобкомлэн пленум составаз 63 член'ёс но соослы 21 кандидат'ёс быр'ыськизы. Ревизионной комиссияз 5 член'ёсно соослы 2 кандидат'ёс быр'ыськизы.

Соку ик Сталин эшлы приветствиелэсь текстэ лыздызы. Конференция Быкин эшлэн заключительной кылыныз ворсаськиз.

## М. И. УЛЬЯНОВА

Туэ 12 июне 1 час но 50 минутэ кулйз

### ВКП(б)-лэн Центральной Комитетэзлэсь

ВКП(б)-лэн Центральной Комитетэз партилы, ужась класслы но вань ужаса ульсьёслы мур жоже усьыса ивортэ: партилэн вуж членыз, В. И. Ленинлэн матысь юрттйсез, СССР-ысь Совнаркомлэн Советской Контроль Комиссиезлэн Бюрозлэн членыз.

Мария Ильинична УЛЬЯНОВА эш бжыт вис'ыса 12 июне 1 часын но 50 минутын кулйз.

Вань улонзэ коммунизмы сётэм Ульянова эшлэн

кулэмез партилы но СССР-ысь вань ужаса ульсьёслы бадзым ыштон луэ.

М. И. Ульяновалэн улэмез, солэн Ленинлэн-Сталинлэн ужзы понна преданностез, ужаса ульсьёслы чуткостез вань партийной но непартийной большевик'ёслы коммунизмлэн вормонэз понна нюр'ясконьн вунэтонтэм примерен луэ.

ВКП(б)-лэн Центральной Комитетэз.

## М. И. Ульянова

Асьме пблысь основоэшмы, большевик'ёслэн партизылэн активной вуж ужасез, Ленинлэн Сталинлэн ужзы понна преданной нюр'яськисез кошкыз.

Егит дырысеныз ик 1896 арын Высшой курсын дышетскыкуз Мария Ильинична с т у д е н ч е с к о й организациослэн кружок'ёсазы активно участвовать каре но 1899 арын Москваын арестовать каро. Собресе сое полицилы нимьсытыз эскерыны вылысь Нижний-Новгородэ келяло.

Со дырысен Мария Ильинична партилэсь люкиськонтэм луэ. Солэн активной ужез арест'ёсын но ссылкаосын жамдэлы гинэ вис'яське.

Мария Ильинична, Владимир Ильич Ленинлэн матысь эшез, солэн преданной, осново юрттйсез но секретарез вал.

Ваньмыз, кин уж ласянь Мария Ильиничнаен адскылйз, сое вазиськись, сьулмаськись эшен адзылйзы.

Мария Ильинична Ульянова Советской Союзысь ужасьёсын, крестьян'ёсын но интеллигенциен юн герзаськемын вал. 5 арлэсь уно Мария Ильинична чагиськон бюроен кивалтйз, нырысь ВКП(б) ЦК-ын, собере СССР-ысь РКИ-ын но берлогес Советской контрольлэн комиссияз. Та ужын Мария Ильинична ужаса ульсьёс понна ужзэ яратэмэз возматйз, со нимьсытыз ик улэп адыми понна саклыко но сьулмаськись вал. Соны асьмемыз Ленин дышетылйз но али Сталин эш дышетэ.

Котыку ик массаен герзаськем, соны тупась сьулмаськонэн со ужаса ульсьёслэсь чагиськон'ёссэс эскериз. Солэн улонэз ужан постаз, ужан интыз Советской Контрольлэн Комиссиезлэн чагиськон бюрозэ быриз.

Вань улонзэ Мария Ильинична Ленинлэн-Сталинлэн ужзы понна, ужась класслэн ужез понна, коммунизм понна сётйз.

### Уборочной кампаниялы дасяськытэк буйгатско

„ФАНГА“ колхозын (Кальтай сельсовет) кизён машинаоссы али но бусыны, зор улын сыномыса кыллэ. Та кизён машина кр и а д я м и адзонтэм интые, нюке донгыса кельтэмнн. Кизем но вож-вож потэмнн ни. Машинаез кытй поттыны но ёрмод. Колхозлэн председателез Арманшин М. тае уг адзы.

„ВАЛЧЕ“ колхозын уборочной машинаосыз тупат'яса уг дасяло. Татын машинаен ужанлэсь пайдазэ валаса вуттйлямтэ на. Уборочной кампанияез вакчи дырын но выльи качестваен быдэстон понна нюр'яськись ёвёл. Колхозлэн ныль аран машинаез лусаса, одйгез но тупа т'ямын ёвёл на. Сйзыл кытчы

кельтйлям, отысь вырзыт'ямын но ёвёл, жугжаген согиськемын.

Колхозлэн председателез Шайдуллин таёе тырмымтэ уж'ёсын нюр'яськонэз адзонтэм каре. Уборочной кампания дыр'ялы кулэлуйсь машинаосыз тупат'ян понна уг сьулмаськы. Машинаосын ужаны дасям кадр'ёсмы ёвёл. Курсын дасям мурт'ёсыз мукет ужекуто. Кизён к а м п а н и я дыр'я машинаен ужамтэ мурт'ёсты машинаен ужатйзы. Быгатымтэ мурт'ёс машинаосыз тйяса быдтыло.

Азыланьзэ таёе янгышез лыдэ басьтыны кулэ. Кадр'ёсыз соответствующой уже һуктоно.

К. Баймиев.

### Сюрес лэсьтон кырулэ

„Сигнал“ колхозын (Калмияр сельсовет) сюрес лэсьтон уж понна уг сьулмасько. Ужасьёссы 7-8 километр кеме нуналлы быдэ бертылыса ветло. Чукна лыктыкузы 10-11 час лусаса вуэ. Ужан нуналзэс сюрес вылын быдто. Нош жыт вазь берто.

Та уж сярись колхозлэн председателез НАСИБУЛЛИН Ш. сюрес ужын ужасьёсызлы но кычэ ужрад'ёс уг куты. Калмияр сельсоветлэн сюрес лэсьтоньсы уполномоченноз АХМАТШИН ас ужзэ вунэтэм. Ас ужез понна ответственность уг нуы.

Г. Хайдаршин.

### 7140 манет коньдон тыремын

10 июне 1937 аре кыктэти пятилеткалэн (выпуск 4 года) заемезлэн выгыршезья сельсовет'ёсын, колхоз'ёсын но сберкассаын утон'ёсты 1-тй июнысен 10-тй июнэз эскерыса районьсыт'ямы 49 мурт 7140 манет утйзы. Али но проверкаос мыно.

Туэ арын 25-тй июне заемлэн 2-тй тиражез Тбилиси городын шудоз. 164 миллион но 920 манетлык заем шудоньн участвовать кароз. Ваньмыз 1 миллион манет утэмнн луоз.

Ужасьёсын но колхозник'ёсын заемлы взнос тырыса быдэстэмнн ке но, учреждениосысь, предпри-

тиосысь но сельсовет'ёсысь бухгалтерислэн басьтыны сьулмаськытэнызы, центральной, районной сберкассаосын заем сётъян та дырозь мынэ. Кытчы сдат каремзэс эскерыса шедьтоно луо. Тае басьтон понна ужасьёс, служащойёс асьзэ бухгалтерисьтызы заемлы взнос тыремзы сярись справка басьтоно. Колхозник'ёс но единоличник'ёс асьзэ лэсь расчётной ведомостэс адзытоно. Сберкассаосын заем тыронлэн дырыз 1-тй июльозь.

Райсберкассалэн завез Хасанов



## Ужаса ульсьёс виль заём поттыны куро

Тямыс шпион'ёс подлой изменник'ёс Горд Арминылэсь кужымзэ но асьме кунмылэсь обороноспособность куашкатыны выровал. Оз пёрмы. НКВД орган'ёс но советской разведка соослэсь подлой ужзэс шараязы.

Судлэсь приговорзэ но сое уж вылын быдэстэмез дан'яса, асьме куньсы ужаса ульсьёс правительстволэсь виль „Заём обороны СССР“ поттыны куро. Чугун сюрес вылын ужас'ёслэн кичёлтэмзы'я, заём поттыны курон ялан паськыт вольме.

— Ми, гражданской воздушной флотлэн московской управлениельтыз ужас'ёс судлэсь приговорзэ дан'яском. Советской Союзлэсь Обороноспособностьэ юматон выльсь

правительстволэсь виль заём поттэмзэ куриськом шуыса гошто соос.

Виль заём поттыны Татариныс ужаса ульсьёс но куро. „Красный путь“ нимо станкостроительной заводысь ужас'ёс но служащойёс собраниязы тазы пуктызы:

„Ми Московской но Донецкой железнодорожник'ёслэсь виль заём поттыны куремзэс пёсь мылкыдэн дан'яском но асьме социалистической Родинамылэсь обороноспособностьсэ эшшо но юматон выльсь заём поттыны куриськом“.

Харьковской электромеханической но трубогенераторной завод'ёсысь ужас'ёс но ужас'ёс нылкышно, инженер'ёс но техник'ёс, хозяйственник'ёс но слу-

жащойёс правительстволэсь заём поттыны курьса, резолюция кутызы.

Сталинлэн нимыныз нимам московской автомобильной заводысь ужас'ёс, служащойёс, инженер'ёс но техник'ёс тазы гошто: „Ми Советской правительстволэсь виль заёмез жоггес поттыны куриськом. Заём понна басьтэм коньдонэн асьме Родинамылэсь военной кужымзэ эшшо но юматом“.

Тини таңе ик резолюцияс мукет завод'ёсын, фабрик'ёсын, колхоз'ёсын но совхоз'ёсын кутыско. Заём поттыны курон тулкым нуналысь-нуналэ паськыт вольме. Ужаса ульсьёс заём поттыны но асьме Родинамылэсь обороноспособностьсэ эшшо но юматон фектон'ёс сёто.

## ГОРД АРМИЛЭСЬ КУЖЫМЗЭ ЭШШО ВYLЭ

Ми, Татышлы районьсы редакция бордысь партийной организацилэн но топография бордысь ВЛКСМ-лэн первичной организациезлэн огазеяськем собраниязы присутствовать карисьёс, СССР-ысь Верховной судлэн Военной Коллегиезлэсь фашистской военной шпион'ёслы, изменник'ёслы, диверсант'ёслы уголовной кодексъя высшой наказание—ыбыны поттэм приговорзэ бад'ым жутскем мылкыдэн зечкылам.

Верховной судлэн Военной коллегиез фашист'ёслы сюрес усьтыны турттись изменник'ёсты, шпион'ёсты дунне выльсь чужиз. Озы ке но асьме куньсы та ужлумен кивалтись шпион'ёс, диверсант'ёс выжыеныз быдтэмьн

шуыны уг луы.—Асьмелы вунэтыны уг яра. Ванышлы быдэ бдительностьмес но асьме ужамы трудовй дисциплинаез пуктыса, пёртэм кулэтэм мургьёслэчлыктыса асьме типографие но редакции пыремзылэсь сак улоно,—шуизы.

Та процес'ёслы пумит СССР лэн вань сэрэг'ёс аз тужгес но чугун сорес'ёс вылын ужас'ёслэн инициативаенызы Горд Арминылэсь кужымзэ юматон понна советской правительстволэсь „Заём обороны СССР“ поттэмзэ куро.

Ми, собранияны участвовать карасьёс, ванымы ик ужас'ёслэн таңе предложениязы огазеяськыса, правительстволэсь тужгес вакчи вакытын „Заём обороны СССР“ поттэмзэ куриськомы. **Бадретдинов.**

## Судлэн приговорез—асьмелэн приговормы

Тухачевский, Якир, Кокор, Эйдеман, Фельдман, Уборевич, Примаков но Путина подлой военной шпион'ёс сярэсь СССР-лэн Верховной судлэсь приговорзэ—шонер приговор шуыса ляд'яськомы но сое зечкыласьком.

Асьмелэсь шудо улонмес быдтыны но асьмедыс капиталист'ёслы, кулак'ёслы грабить карчыны понна сётыны выльсь та тушмон'ёс ужаллям.

Великой пролетарской революция вамен шедьтэм шудмес тушмон басьтыны турттись ке, ми одйг мурт сямен ванымы киямы винтовка кутыса гажано Родинамыс защищать карчыны султом.

Судлэн приговорез—милям приговормы. Фашистской пуныосыз выжытэм быдтоно.

Ми эшшо но юнгес огазеяськомы на Ленинлэн Сталинлэн партиез но советской правительство борды. Вань мылкыдмес понна асьмелэсь квалификацияс жутыны нюр'яськом. 1937—38 дышетскон арын пинал'ёсмес умой воспитывать каронын Чошатыкыса ужалом.

Дано мед луоз большевик'ёслэн Всесоюзной Коммунистической партизы но солэн кивалтисез СТАЛИН эш!

Дано мед луоз вормонтэм ужас'ёс но крестьян Горд Армия но солэн маршалэз ВОРОШИЛОВ эш!

В-Татышлы учительской курсын дытетскись дышетисьёслэн 50 мурт'ем ортем митингазы выступать каремзыя но косэмзыя гожтэмын. **Садритдинов.**

## ХРОНИКА

СССР-ысь Верховной судлэн специальной судебной Присутствиелэн уголовной наказанилэн высшой меразлы—ыбыны ирсудить карем Тухачевский М. Н., Якир И. Э., Уборевич И. П., Кокор, Эйдеман Р. П., Фельдман Б. М., Примаков В. М. но Путина В. К. ласянь приговор толон 12 июне исполнить каремын.

## БЫДЭСТЫСА ВУТТЭМЫН

„Гудыри“ колхозысь (Арибаш сельсовет) КУС-НИЯРОВ Кунакбай но ГАБИДУЛЛИН Гарифул-ла государстволы обязательствоя ыжгон тыронзэс 100 процентлы быдэстизы. Габидуллин Г. коньдон, сйл но мукет тырон'ёссэ котьку дырызлэсь азьло быдэс'я. Колхозник'ёсыз ас сьёраз бте. **К. Г.**

## УДМУРТГОСИЗДАТЫН УДМУРТ КЫЛЫН ПЕЧАТЬЫСЬ ПОТЭМ ВYЛЭ КНИГАСС

1. РСФСР-лэн Конституциез. Дуныз 15 коньны.

2. И. СТАЛИН—„Партийной ужлэн тырымтэосыз но троцкистской но мукет двурушник'ёсты быдтон ужрад'ёс сярэсь“. Дуныз 20 коньны.

3. Ф. Г. Кедров. „Сяськаяськись улон“—сборникен потэм стихотворениос. Дуныз 1-50 коньны.

4. Пинал'ёсыз художественно воспитать ка-

рон корка. „Песни счастливого детства“. Сборнике ванымыз 47 кырзан'ёс удмурт но жуц кылын потызы. Дуныз 20 коньны.

Та книгаос пёлысь котькудзэ но наложенной платежен басьтыны луоз.

Заказ'ёс таңе адрес'я ыстоно: г. Ижевск, удмуртской АССР, ул. Пастухова, 29 удмуртгосиздату.

**Удмуртгосиздат Утробин**

## (ПРОДОЛЖЕНИЕЗ.)

Кышноослэн но перес'ёслэн озы малпамзы пёськеме вуттыз. Мимала гужемен ик Лудошурин горд партизан'ёсын Ижевскысь тёдыос ваче пумит вуыллы. Крестьян'ёс гулбеч'ёсазы, погреб'ёсазы, картовка возён гуосазы ваткылызы. Дэймонзэ дэймизы но, ыбылськон кема ик ойвал. Тёдыос но, горд'ёс но оло кудлань кошкыса ышызы. Перес'ёс пинал'ёс, кышноос но гуосысь потызы. Лачмытэн уло гуртазы.

Туэ нош Лудошурез но фронт йоскадь сэзьялтэ ины. Туннэ чукна тани пушкаен ыбылськем куарез но кыллызы. Гурт вальсытй аэроплан тачыртыса лобзиз. Лудо шуре тёдыослэн батальонзы пыриз. Пулемет'ёсы но вань. Салдат'ёс коркалы быдэ котыр дас—дасвить мурт пыризы. Умоязтес юрте офицер'ёс асьсэлы кунокалэсьтйзы, крестьян'ёсты олоп'ёс копаны, майыг'ёс ворттыны, бышкись ез золтыны койзын.

Офицер'ёслэн кунока кузёзы ачиз но, кен'ёсыз но йырзэс вылэ урдйзы. Уля кенакез котькызы гочатыны выро.

—Сыл ай,—йыркурзэс лэзэ,—чыртызэ бералтозы пегаса ветлйседлы. Кем солы, медаз эшласькы большевик'ёсын... Уть ай, учкы ай! Сычөөсь-а ма та салдат'ёс? Большевик'ёс кадь, пидйыл калык овёл со, офицер'ёсы но вань. Ми дйнямы уло уг-а офицер'ёсы,—вылтйаськыса ватсало на соос.

Трос бёрдоно усиз Уля кенакы. Кенэз но куректонзэ номырин но кысыны уг быгаты. Кенэзлэн пинал'ёсыз но бёрдэмьсы уг дугдыло. Ваньзылэн син'ёсы бёрдэмен пыктылэм. Ай бен ветылзэ но Уля кенакы тёдыос нуизы ук, ваньзы сйльлы.

Офицер'ёслэн кабак виназы тачак. Уй но нунал ю. Кунока кузёзэс но сектало. Семьязэ но пень кудзымон секталлям. Соин сэрен гурт кузё уш'яськонэныз уката вылэ лоптылэ.

Салдат'ёс командир'ёсылэсь бере уг кылэ, кумышкаез нылон'ёсазы дуренкисьто. Кумышка пёсьтон

уж котыре ванымыз гурт кышноос кутэмын. Пёзтыо дугдылытэк, шутэтекины эрик но овёл.

Оград жытазе тёдыос ванызы ик юн кудзылэмын дыр'я, Лудошуре Шёртчи Ондрейлэн отрядэз лобзыса сямен витентэм шорысь пыриз. Жёломем тёдыосы, кин кытчы шедем отчы, кораса кельто. Тёдыос отын но татын оген-оген ыбыло. Со ыбылзы Ондрейлэн отрядэзлы нокона но уг люкегы.

Кытысен ке азбарысен пулемёт куаретыны куткиз но аслэстыз ватскон интызэ шарае соин поттыз. Тёлпери музэн отчы Ондрей ас калыкеныз мынйз. Пулемёт пытсам зезы шоры ыбытэ. Отрядысь коня ке мурт вал выльсенызы забор вамен азбаре тэтчины но, пулемёт чалмытскиз.

Шуэктэм офицер'ёс ульчае потэмзы вал. Шоразы лыктысь горд'ёсты адзыса, ури-бери азбаре пыризы. Бакчае пегэо. Нелькызы со-

## КЕДРА МИТРЕЙ

## ШӨРТЧИОНДРЕЙ

Кутсконэз 31—32—33—34—35 номерын.

от я вал вылын усьёс. Одйгез азбарын кин ке шер-шер ыбылэ на. Азбар шорын ик пызен чожмытэм мешок урдсын гань гань кыле. Подпоручик вылэм. Тышкалтйзы тыбырзэ прикладэн. Шузимем син'ёсыныз учке, котырисьтыз кумышка зын лб'яське.

—Кем солы, озы кулэ!—куалась удмурт кышно бызьыса потэ.—Эке.. юэ юэ но, нил вай шуэ.. Кытысь, пёй, сётом. Вай шуэ.. Лчиз кумышкаме гондыр сямен юэ. Чалак юыса быдтйз.

Отрядник'ёс паймыса учко кышномуртлэн киосыныз шонаськемез шоры. Соиз нош дыртыса, сураськыса вераны турттэ.

—Од ке, пец, сёт, ыбыса виё шүэ. Мешок поттыз но, сө мешок сьбырсен, эке, корка шорам ыбылэ ук, шайтан. Жилькак уси. Ой, суиы-пыды!..

Оло ма но верасал на та супыльтись кышномурт. Солэсь зулемзэ кылзись-

кись оз ни луы. Кудзем подпоручикез кунултйз кутыса ульчае поттызы.

Гурт пумын кыктэтйез пулемёт пуля салам'ёссэ гурт кузэ ыс'я, горд'ёс со лала тэтчыса ик кошкызы. Куннез азыпала мынйсьёс вал выльсытызы усьыллызы. Пуля шоры йдтэм мурт'ёсты тёдыос штык'ёсын бышкызы на.

Тазэ но пулемётэз талам бере, тёдыосын вием эш'ёссэ адзыса, Ондрей тылын пыжысь приказ сётйз:

—Быттэ тушмон'ёсын одйгтэмак.. лулооскын кутэм'ёссэ но.

Собере ульча пум'ёсы, бакча бер'ёсы но возьмаськись пуктылэм бераз аслаз корказ пыриз. Гулбече ватскем семьяез отысь потыз. Шуглекез адзем семьяез нырысь валысь вераны кыл но уг шедьты.

—Мар тй.. гуньдйды?—вазе Ондрей.

—Ондрей!—шумпотэмзэс шара поттыса-кесько Уля кенакен кенэныз.

**Кылемез вуоно № ыи.**

Ответственный редактор **Ш. Валинуров.**

Типография Татышлинского Райисполкома, Баш-республика Райлит №143